

Les animaux malades de la Peste (Fable de La Fontaine, sketch enfantin.)

Sur scène, un enfant déguisé en lion est sur un trône.

Entrent en scène les enfants déguisés respectivement en renard, en loup, en tigre et en âne. Ils poussent de cris d'effroi:

E bitche mââde d'a Péste

Le lion assis sur son trône. Les 4 arrivent

A choco, a choco!! A péste êt arauhae intchè no n'ijin tui crèva!

Le Lion: Ouè, to chin ê a cauje dè no, n'in tui fi dè pètchia chu chta tèra!!

Les 4: Pa no! Pa no! Pa no!

Le Renard In to ca pa dho!!

Le Loup: Achebin pa dho!!

Le Tigre: I tau fou pa dho!!

L'Ane: Kiê ê tê on pètchia??

Le Renard: Baureskie kie ti! On pètchia ê pê éjinpfe peca ê dzenede du Prêjidan d'a caumauna!!

L'Ane: Kijie té! Nau peco pa dè dzenede!!

Le Lion: Adon! arèta tui dè vo tzincagnié, tau o Baureskie, tau o Rèina îte tan fin, arindzèrin chin aoui o Chiel, aoui Djieu!!

Le Tigre: E Djieu du Chiel! Dho è jè peco tui!!

Le Loup: Mi caumin fire! Po kie fouche pami ingrindjia contre no??

Le Lion: Fau kiè dhon de no fouche chacrifia po tui è j'âtro!!

L'Ane: Kiè veuü tê dère che chacrifié??

Le Renard: Tau ti baureskie, veuü dere kiè dhon de no dèi crapi po choa è j'âtro!!

L'Ane: I to fou! Dho nau chi fran bin chede aoui a mâhe dzinte fèmae!!

Le Lion: Adon! n'in preuü dzapato! Dho nau chi o Rouè! Nau dechido! Tzecon dèi confècha dèvan è j'atro to è pètchia dè cha via!! Ejinpfe, dho ni peco de meuton e n'aé pami fan, è pouèi ni peco achebin o fàèrou!!

Le Renard: Chegneu!! Ite o Rouè, aé o drouè. E min è j'impau utr'a Chion, Etat è rouè peu peca chin kiè veuü! Kiè muja vo, vo j'atro ???

L'Ane,le tigre le Loup: O leon a rin fi dè mau! aé o drouè!!

Le Loup: Dho n'i mouè a boude da tzambe à Jian René Fournier o Conchèié d'Etat, a fi boutchié a maê mârâ, è a ta mètouae din o chio buro a Chion!! Crèide vo??

Tous: A mereto! A mereto! Ta biin fi!!

L'Ane: Me fau rire,mouédre a tzambe d'on Conchèié d'Etat!!

Le Tigre: Chin e on deouè! Dho mè confècho.On dzo ni peco onhna tchiaurète kiè èire pfeine, ni peco achebin o dohin din o vintre. A ti pecaè, èire min léste ki'è j'atro! Che fi pa chin aoui è Tigre biin alehau!!

L'Ane: Choche è on petchia mortel! O Tigre dèi mauri por no!!

Le Lion: Dho nau dèfinje o Tigre! Can on n'a fan on n'a fan! A boutchia po pa creva de fan. Ore è a tau Rèina

Le Renard: (*humblement*) Dho nau confècho. A ni dè Noël, an pachò, ni peco tote è dzenede dè Mauchieu Incaura!!

L'Ane: A! Tau ti pa pouèireu, è dzenede dè Incora!!

Le Tigre: A ni dè Noël! Ito fou? E on sacrilèjie!!

Le Loup: Pindin a mêcha dè doj'euüre!! Afreuü!!

Le Lion: Can on n'a fan on n'a fan!! O Rèina peuü pa peca d'herbe, dè dzote u dè trifle

Tous: E a faute a Dama Nataure!!

Le Lion: E to! Mèitre Aliboron ta tan dè dzape, ki'a tau fi caumin pètchia??

L'Ane (*gené...*) Eu! eu! Dho on dzo ni robau Monchègnieu Evèkie

Le Lion: A Monchègnieu Evèkie! E tèribve chin, t'a pami d'oneu to!!

L'Ane: Nau pachae utre pèr li a Chion! N'aé paurtan pa fan, dè bèe theu ,de bonhn'erbe. Ni pa pauchu rejiesti, n'i brocatau on mouè

Le Renard: Aé vo tui aoui? Brocata erbe é è theu a Monchègnieu Evèkie, ê o mi grave dè to!!!

Le Tigre: E o mi grave! Merete a mo!!!

Le Loup: Chin ê chacrau, t'aé pa o drouè!!!

Le Lion: Chin ê o mi grave! T'aé pa o drouè!!

Ensemble: A mo! a mo,a mo!!!

Le Lion: *(sententieux comme De Gaule)* Vo j'i comprèi! Nau chi o Rouè, nau dèchido! Po arèta a péste bahia pê è Djieu, po è jè calma no fau chacrifié o baureskie. Mèitre Aliboron dei mauri!!!

Les Autres: *(sauf l'Ane)* A mo,a mo! Dei mauri!!
(Tous se ruent sur l'âne et tuent le pauvre)

Le Lion: A jieustiche è fite! Po pfèire a Djieu! A lechon dè ichtouère: Po choa a chaoue pé on n'a ésto fi dè dzaudjié.

Jean de la Fontaine